



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. V. Recollectio precatoria de Benignitate diuina.

[urn:nbn:de:hbz:466:1-46817](#)

21 Quinto, Considerandus est finis huius dilectionis. Non enim
sui commodi causa, sicut Principes sapientia*finis dilectionis.*
famulos, aut dilexit, sed commodi nostri: nimirum, ut nos regni
sui faceret particeps, ut inexhaustum lucis & bonitatis sue son-
tem in nos deriuaret. Nec obstat, quod hoc totum referat ad glo-
riam suam: hoc enim ipsa rerum natura postulat. omnis enim
creatura ex essentia sua est quid Dei, & ordinatur ad ipsius glo-
riam. Sicut enim finis, & ut ita dixerim, felicitas vasorum figlini, aut al-
terius arte facti, est, seruire vobis humanis, & si statum suum intel-
ligeret, tunc se maximè felix indicarer, quando huic usui maximè
commodaret: ita finis hominis, & totius creaturae rationalis est,
seruire gloriae Dei, ipsum cognoscendo, amando, laudando, co-
lendo. Itaque quod Deus totum bonum creature ad gloriam
suam referat, nullo modo impedit quin amor ipsius in nos sit fin-
cerissima benevolentia & amor amicitiae, velitque nobis bonum,
ut nobis benè sit & optimè, absque intuitu sui commodi. Confir-
matur; Quia etiam nos totam nostram beatitudinem intrinsecam
referemus ad Dei gloriam, eamque pluris faciemus, plus amabi-
mus, plus de ea gaudebimus, ut est bonum quoddam Dei, gloriam
eius illustrans, & laudem eius celebrans, quam ut est bonum
strum maximis commodis & gaudiis nos afficiens. Id enim rectus
ordo postulat, cum creatura nulla sibi sit ultimus finis, sed solus
Deus. Itaque non in se ultimus, sed in Deo quiescere debet eius
appetitus. Deinde, quia nos magis felices, & beatos censemus
bonis Dei, quam bonis nobis intrinsecis: amor enim uictus nos
cum Deo, & unum cum eo spiritum efficit. Vnde nihil magnopere
estimabimus aut amabimus, nisi quatenus est bonum Dei,
in eiusque cedit gloriam, quasi alia ratione non magnopere ad
nos pertineat.

CAPUT V.

Recollectio prelatoria, de Benignitate divina.

22 QVAM suavis & benignus est, Domine, in omnem crea-
turam spiritus tuus! Tu enim cum nullius indiges, tibi
ipse sufficientissimus, omnia ex nihilo condidisti, ut singulis, pro
captu cuiusque, bonitatis tuae dulcedinem, & pulchritudinis tuae
specimen impertires. Non commodi aut utilitatis tuae causa ea
fecisti,

fecisti, sed ut ipsis esset bene, ut ipsa pro modulo suo bonis tuis
participarent, & benignitatis tuae gaudent fructum.

Itaque a te omnia ex abyso sui nihili excitantur, accipiunt esse 23
adeo omnibus amabile, accipiunt speciem & pulchritudinem, ap-
petitum boni & fugam mali, vires & functiones, impetus & mo-
tus, situm & ordinem, perfectionem & terminum. Singulis enim
dona quod cuique commodum & amabile. Animantibus etiam
sensum boni & iucundi multiplicem largiris, & beatitudinis quan-
dam umbram & extremum *άνθημα*.

Hinc omnia te laudant, tacitiisque vocibus tibi sacrum hymnum 24
pangunt, quo tuam potentiam, sapientiam, bonitatem, & pro-
videntiam clarissime celebrant. Celi enim enarrant gloriam Dei,
& opera manuum eius annuntiat firmamentum. Dies diei eructat
verbum, & nox nocti indicat scientiam. Non sunt loquela neque ser-
mones, quorum non audiuntur voces eorum. Sed longe excellentius in 25
nostro genere haec benignitas tua eluet. Tu enim nos ad ima-
ginem & similitudinem tuam condidisti, vultus tui charactere
nobis impresso, intellectu, memoria & voluntate instruxisti, qui-
bus capaces Diuinitatis, gloriae, & beatitudinis tuae effecti sumus,
cuius præsidii & ornamenti ad haec tanta bona promerenda &
consequenda cumulasti, Angelos in tutelam & directionem assi-
gnasti, denique totum mundum cum omnibus bonis & opibus
suis in domicilium & solatium nostrum fecisti, & nobis tradidisti.
Quid his beneficiis maius, hac benignitate admirabilius cogitari
possit? præsertim cum eo consilio haec omnia feceris, ut nos in di-
uinum statum eucheris, beatitudinis tuae participes efficeres.

Cum enim omnis gloriae & beatitudinis ex teipso superplenis- 26
sumus sis, non potuit se continere benignitas tua, quin tantorum
bonorum creaturam suam faceret partipem. Hinc consilium
condendi Angelos & homines, qui tantæ rei essent capaces; &
propter homines mundum uniuersum, & opes eius omnes. Quis
umquam Monarcha terrenus extremæ fortis mancipia euexit ad
communienem regni? Et tamen in his est naturæ paritas, & solius
fortunæ rerumque externarum discrimen: nos vero non solum
infinitè a te distamus naturæ conditione, sed etiam infimum gra-
dum inter creaturas intelligentes tenemus. Nihilominus præ cæ-
teris omnibus nos dilexisti, & diutinas bonitatis tuae copiosius in
nos effudisti. nimur hoc est benignitatis ingenium, demittere
se ad infima, curare infirma, colligere abiecta, attollere humilia,

&

& vbi maior est inopia, ibi magis suas opes erogare & opem ferre.

27 Verè tu es amor omnipotens, benevolentissima virtus, lumen æternum, incommutabilis ratio, æterna dulcedo, creans mentem ad te participandum, viuificans ad sentiendum, afficiens ad appetendum, dilatans ad capiendum, iustificans ad promerendum, accendens ad zelum, secundans ad fructum, dirigens ad æquitatem, formans ad benevolentiam, moderans ad sapientiam, roborans ad virtutem, visitans ad consolationem, illuminans ad cognitionem, perpetuans ad immortalitatem, implens ad felicitatem, circumdans ad securitatem. Sic nos coronas in misericordia & miserationibus, sic vndique beneficii tuis imples & cingis, vt nobis benignitatem & amorem tuum declares, & ad vicissim amandum excites.

S. Bern. I. 5.
De confide-
ratione.

28 Nimirum reducere nos per amorem instituisti in nostrum principium, vniuersitate bonitati & pulchritudini, transformare in te ipsum. Nullus erat ad hoc efficacior modus quam amoris. Amor enim est vis extatica & vniuersita, faciens ut à nobis excedamus, & in te transferamur. Non poteramus in te mutari per naturam, nam nostro creato salvo manente, sine quo nullius rei sensum, nullam capacitatem boni habere possumus, cum absque eo mera vanitas simus & nihil. Quod fieri non poterat per naturam, molitus es per amorem. Hunc mille modis in nobis accendis, ut eius ardore in te colliquescamus & absorbeamur, sicut aquæ gutta in vini dolium immissa, in vinum conuertitur, si colorem & saporem spectes, salua manente aquæ substantia. Amor enim facit amantem affectu & sensu à se deficere, & in dilectum mutari, ut nullum inter se & dilectum percipiat discrimen. Ita enim amantem erga dilectum afficit, ut quantum in se est, vi affectus suum esse exuat, ut induat dilectum, vnumque cum illo euadat. Nihil amplius de se suisque commodis cogitat, non secùs ac si iam in natura rerum esse defuisse, sed totus cogitatione & affectu est in dilecto, eiusque dumtaxat bona cogitat, desiderat & procurat. Tunc potest dicere cum Apostolo, *Vnuo, non iam ego, viuuit verò in me Christus.* Sic amor facit hominem obliuisci sura se deficere, sibi mori, & viuere in dilecto. Hoc modo qui adhæret Deo, unus spiritus cum illo efficitur. Haec est perfectio & consummatio Sanctorum, & vita æterna, vnum cum Deo per vim amoris effici.

29 Sic ad exemplar nostrum primatum reuertimur, in quo ab
P. 3. æterno



æterno exstimus, non per esse aliquod reale nobis intrinsecum; sed per vim ideæ & conceptionis mentis diuinæ, quæ facit ut in mente diuina ab æterno extiterimus, vixerimus, & luxerimus, cùm in nobis nihil essemus. Hinc per amorem processimus in nostrum esse creatum, sicut forma domus ab artifice prodit in opus & materiam, & sicut imago ex mente pictoris in tabulam. Huc rursus per amorem reducimur, & reducti vniur, & transformamur in ideam nostram: sicut si imago è tabula posset se in mentem pictoris penetrare, & ibidem suo exemplari intimè se coniungere.

Per amorem ad nos descendis, ut amoris in nobis ardorem accendas, & per illum sursum corda nostra rapias, & in te conuertas. Sicut ignis vi ardoris sui omnia in se conuertit, sic tu ignis consumens, vi amoris. Accende corda nostra igne amoris tui, & eam te conuerte, ut nihil præter te, & tua cogitemus, nihil sapiamus, nihil sentiamus, nihil loquamur, nihil optemus. Ille nos excedere faciat à nobis, nostrique quasi non simus obliuisci, & in te migrare, in te commorari, vivere & delectari. Ille vitam nostram gloriæ tuæ impendere, nulla pericula formidare, nullos labores detrectare. Ille omnia mundana nobis vertat in amaritudinem, & omnia aspera pro te suscepta in dulcedinem, ut contumeliam putemus gloriam, inopiam diuitias, persecutio[n]es prosperitatem, infamiam, nominis celebritatem, morbos solatia, mortem vitam. Omnia enim huius vita[m] mala amore tui tolerata, meliora sunt omnibus huius sæculi bonis: si enim compati[m]ur, & corregnabimus. Per illum tu nobis sis vita & refectio, domicilium & possessio, diuitiae & gloria, fortitudo & refugium, quies & solatium, protectio & securitas, gaudium & beatitas. Amen.

DE